

## Po Antonella

Pro te sunt custos versos, Antonella,  
ma non ses, in cumpantzia, presente.

Po voluntade de s'Onnipotente,  
t'ant destinadu dimora novella.

Cando sa vida t'apariat bella,  
t'at corpidu, isfidiada, sa sorte,  
e cun sa farche, s'impietosa morte,  
a tie at ghermidu, gentile dunnella.

Sa partenzia tua, improvvisada,  
dispiaghene mannu at procuradu,  
in familia e in su Sindacadu,  
inue fis dae totu istimada.

In silentziu ti nche ses andada,  
senza un'adiu ne cinnu 'e saludu.

A totu nois, unu dolore mudu,  
su coro at feridu, a s'ispensada.

A Babbu Mannu ti ses presentada  
e ti ch'at postu a su costazu sou,  
po ch'in sa vida cuminzada a nou  
goses s'eterna paghe meritada.

A Antonella, in marmaru inserrada,  
ch'a mie, ancora, paret siat bia,  
recito, a lenu, una pregadoria,  
dainanti a sa tumba, imbrenugada.

Salvatora Miscali